

Egei Polha Sa Filipai O Kediāmokōu Nalama Nēi

Tawale Ta

Pol ẹ didīo mosōdu duwoli, sa Filipai o sasaī kediāmokōu kuguo kōŋu nalama nēi.

Afuge, ẹ sa Filipaikoū koū ilemōu, o sasaī kediāboū de duwoli, Yesuhā degegai ke hehegiei. Dabai 16:11-40 kokoū dugu.

Polhā Filipai kediāmokōu kuguo nalama nēi kahā yobe koū gue. O sasaī kediā sele kefe-mamōu, o Epafrodituskoū nelēmōu, nā mālā ile, Polkoū neyede toboloū imoū, ẹ mālā ile Polkoū kuhe nēi. Kegei kahā, Polhā bolofeyode kuhe toboloū mōu nalaī.

Pol ẹ didīo mosokoū koū duweyiye, kenoū si ẹ ta fī hagi degeli mei, hohonoū delei. Filipai o sasaī kediāne hohō degemabeedei. Yobe, Yesuhā diāboū de dogoū guo dala kahā degemōu.

Kuguo Filipai kōŋumahā sibige kahā widio tā hiyebe tanoū fēi dala.

**Sa Filipai tie kediā Polboū de
mogo degele i kahā, ẹ hohō
hiyedo degei**

(Tā Hiye 1-4)

¹ Polbōu Timotibōu elebe Yesu Kelesuhā dabai degele idi o. Godihā o sasai olōu fei, sa Filipaikōu dalagua, Yesu Kelesukōu damaleyodele i nībōu, nī wolōu daladi obōu, nī dīkenbōu olōu fei nīmokōu ele kuguo koŋu nalāma nelī kuhe.

² Di Aye Godibōu, di Hiye O Yesu Kelesubōu dilie nīmokōu habagugueiba, nīme bologuado dalamabadomōu.

Polhā Godikōu bolofeyode tobou

³ A nī tawaimōu be, mā Godikōu bolofeyode tobōu di.

⁴ Damaledo, a Godihā nī olōu fei dogōu guyadomōu diho bagā tobolōu gibe, hohobōu nōu diho bagā tobōu di.

⁵ A nīmokōu hohobolōu kaha yobe kōu gue, sawisie i a dabai yoma degei kelege tofogōu hagueibe, nīge a dogōu guomōu, tā uwo bolofei tobōu di dabai ke degemōu hagulugi, ifine kegenōu degele ili kaha.

⁶ A tawalibe, Godihā dabai, nī duledu yoma haguei keme ta mei degeli mei. Godihā dabai keme yoŋu kegenōu degemōu ibe deba, Yesu Kelesuhā bohōlōu mā haguale kelegenōu mei degeledade tawali.

⁷ A nīmokōu solōu do degei kaha degemōu, a kege tawali keme bolō. Yobe, a tā uwo bolofei tobōu di dabai ke hiligedo degelibōu, haba a didiō degei dalabōu kelegebe, Godihā habagugueibe dibōu de dala.

⁸ Godihā tewe, Yesu Kelesuhā n̄imokōu hohō hiyedo degeli sagai kenōu tefei, әне n̄imokōu hohō degemōu, n̄i dugulo sagai hiyedo degeli.

⁹ A Godikōu diho baga tobōu dibe, n̄i solōu do degedi midihō ke nele degeba kokōu ge tewe hiyedo malāba, solōu do degedi midihō kaha sibige olōu fei ke tawamabadomōu kuhe diho baga tobōu di.

¹⁰ N̄i tewe ke dalababe, midihō olōu fei, obe milōu ga idi keme n̄i sasale fileba, midihō bolō kenōu sesele ile. Midihō bolō kenōu sesele iligibe, Kelesuhā tā sale sawisie kelegebe, n̄ime ta sibigibōu dalale mei, midihō kasagai milōu di kaha hebe keme n̄i ta molo□u mei.

¹¹ Damalēdo, Yesu Kelesuhā degeiye, midihō bolōdo, n̄i milōu ga idibe, o sasaiye duguo, Godikōu hohōbolōu ba, e hu hebele fogulo ile.

Pol e didiō degei dala kahage, tā uwo bolofei ke sa sa olōu fei ile tefei dala

¹² Mogo diāma, n̄i tawama, a hagi ko□u dugulu ko□umahage tā uwo bolofei keme ta akoguli mei. Kegei kahage, o sasai sudo tā uwo bolofei ke dulo ili kehe.

¹³ Kegemōu, hiye o Sisarhā mosō dia dalaguadi obōu, o ilo kelebōu olōu fei kediage ame Kelesuhā dabai degedi kaha dowoyenōu didiō degei dalayode tawale ili.

¹⁴ Di Hiye O Kelesukōu damaleyodele i o sasai sudo kediane, a didiō degei kokōu fimamōu

neleđo dege dalaguali, Godihā tā ke hiyedo dege hehegile ili. Diā ta guē degele iyo mei.

15 Kōu kegeiyenōu si, o ilo kelebe amokōu kona degemōu, gule, dioŋu die hu ke hebele fogulamōu egei kuhe hehegile ili. O ilo kediasi damaleđo Kelesuhā degei tā kenōu hehegile ili.

16 O damaleđo hehegile ili kediaġe ame tā uwo bolofei tobōu di kaha dowoye didiŋ degeiyode tawalemōu, amokōu solōu do degemōu, diane Kelesuhā tā ke kuhe hehegile ili.

17 O ilo dioŋu die hunōu hebele fogulamōu, Kelesuhā taġe gule hehegile ili. Yobe, ame didiŋ mosōdu dalamōu, haba diġe haġi tage amokōu nelamōu degele ili.

18 Kōu kegeiye, gebe mei. Fi kasagai mā ili obōu, fi bolō mā ili obōu olōu fei kediaġe Kelesuhā tā kenōu hehegile idi degeimōu bolōdo. Tabōu mei, ame hohonōu dala kuhe.

Pol eme sosou dalali, sa Filipai o sasai dogou gulamou degei

19 A hohō degeli kaha yobe, ni Godikōu diho baġa tobolōu idi kebōu, Duo Bolofei, Yesu Kelesuhā amokōu neibōu kahaġe a dogōu guba, a didiŋ mosō tou fogōu ile.

20 Kegeiba, a sidifi degeiye deba, midihō bolō kenōu milōu galamōu. A ifibōu habagebōu de neleđo dege dalali, midihō bolō, a ifi kōu bōu ge milolōu sagai kenōu tefele milōu galamōu. A

sosou dalabane, tolo ibane taḅoū mei. O sasaiye Kelesuhā hū ke hebele fogulo ile kenoū tagali.

²¹ Ā ifi sosou dala koū boū gebe ame Kelesuhā dogoū gumoū dala kuhe. Haba, ā tolo ibabe, ame bi bolodo hebenikoū dala ke molo□u.

²² Ā sosou dalababe, ā o sasai sudo dogoū gudi dabai ke degele. Kenoū si ā degelebe ā ta tawaiyo mei.

²³ Mā fimaiibe boloū kege dala. Ā tolo ile foloba, Kelesuboū de dalalebe bolofeido. Ā hohō hiyedo degele.

²⁴ Kenoū si ā sa sibige kuokoū dalabane boloū. Kegeibasi, ā ni dogoū gulo.

²⁵ Damaledo, ā ke tewe. Ā sa sibige kuokoū dalali, niboū de dabai degelamoū degeli, ni damaleyodema, neledo degeba hohoboloū dalamabadomoū.

²⁶ Kegeba, ā haba ile folo, niboū de dalababe, nige amokoū hohoboloū ba, Yesu Kelesuhā hunoū hebele fogulo ile.

Sa Filipai kediā hagi dugumoū be, Godihage moū duguo fogoū diye, kenoū si eme diaboū de dogoū guo dala

²⁷ Sibige hiyebe koū gue, Kelesuhā tā uwo bolofei keme ni koū tewe kahā degemoū, nige midihoū bolodo kenoū miloū ma. Kegeibasi, ā tawalebe, ā nimokoū ibane, ha i ho fogoū ba, ni degeli tā hebe kenoū dubane, age nime neledo dege, mogo tanoū dege dalali, tā uwo bolofei

tobou di dabai ke fi tanou dege degele ilidade tawale.

²⁸ Haba age nime ho o kediamokou gue degele sagai meidade tawale. Ni diamokou ta gue dege ho fogou babe, diage diame makoma mei degeledade tawale ile. Ninou si Godiha mamolo uyodema makaiye daladade tawale ile.

²⁹ Yobe, Godihage nime Kelesukou damaleyodema, e dabai degemabdomou maka degei. Haba dabai ke degele ile kokou gene nime hagi kou duguloyodema maka degei dala.

³⁰ Kelesuha dabai degedi kokou ge hagi ni dugulo ili keme a kou dugu sagai kenou tefele dugulo ili. Ifi kou bou gene, obege ame hagi kegenou duguluyode tobolou imou ni dulo ili kehe.

2

Di fi tanou dege dalali, diyou sie yogokou midihog bolofei ke hegiba hegiba deme

¹ Kelesuhage nibou de dalali, nimokou de dedei sasagiedi? Kelesuha nimokou solou do degedi kaha, nime de bologuanou dalagua? Nime Duo Bolofeha de dogou guo dala? Ni niou sie yogokou de solou do degeimou solou do degeimou dele idi?

² Kegele ibabe, haba fi tanou fei tolou ba, yogo tagadi midihog kenou sesema. Ni mogo degeba, fi tanou degele ibasi, a hohog hiyedo degele.

3 Nī nīou siebe hiye oyodema, nīou nī hū hebele fogudama. Nīou sie huyafei degema. Nī mogo ilo kediage nī gabama folodo daladade tawama.

4 Nā no[usienou dogou guda. Nī nīou sie yogo dogou guba dogou guba dema. Nī olou feibe bologua dalagualebe bolō.

Kelesuha yo[usie huyafei degeimou, Godiha e hū hebele fogu

5 Nīne Yesu Kelesuha fimadi sagai kegenou fimama.

6 Kelesu eme kou Godinou deleiye, kenou si e kegenou dalale sagai ta degeli mei.

7 E migilemou be, mou yo[uiwa sa sibige kuokou dabai degedi o, di bagai.

8 O sasaiye dugube, eme sa sibige o бага, Godiha hayedu dalali, e ta dulo sesele iligi kuhe tolo i.

Damaledo, e hebe fufuguomajkou tolo i.

9 Kegei kaha degemou, Godiha eme tou gulido mala folomou, emokou hu bolodo ta, hu ilo kele gabama feleido ke nei.

10 Godiha Yesukou hu hiye ke neibe, hebenitou tiebou, sa sibige kuokou tiebou, mihi hayemou tiebou olou fei kedia emokou yubu sugulo fiya duwoguali, e hu ke hebele foguoba, e hayedu dalaguamabadomou kuhe nei.

11 O sasaiye Yesu Kelesube Hiye Oyode tobolou ibabe, midihō kahage Aye Godiha hu hiye degeli.

Dibe hohoye o sasai kediamokou hohogudi sagai kege dalame

¹² Ma mogodo diama, a nibou de delei kelege, ni ma ta dulo sesele idi sagai kenou tefe, ifi a ahudo dala kou legene, ni defeido sesema. Godiha ni mamou kaha degemou, nige sidifibou guebou degeba Godiha dabai kenou neledo dege defeido degemou iligi, hebe bolofei ke mouma.

¹³ Yobe, Godiha degeiye, nige midihou bolou, youtu tagai sagai ke milou galababe milou galenou.

¹⁴ Midihou olou fei ni milou galebe, kona dege tae biya idama.

¹⁵ Kege dege ho fogou babe, nime Godiha sisigo bolodo, sibigibou mei dalale, haba midihou kasagai kaha hebene ta molyoutu sagai mei. Sa sibige o sasai, midihou kasagai milou ga idi kedia die sa hulia degei kokou nime kuidihou hohou hiyedo ke sa dege hohoguoba,

¹⁶ Godiha ta youtu kegenou dalale ke tolou suluguale. Ni kege degeibasi, Kelesuha bohoulou ma haguba, age a dabai ke degeibe ta mou youtuwa degeli meidade tawaleba hohou degele.

¹⁷ Ni damaleyodema, Kelesuha dabai degele idi keme afu kou guai o kedia wai sipsip sile Godikou nele idi sagai kenou tefei. Ane wai sipsip бага, o tae wouba ma kafei mubabe tabou mei, a hohou degeba, nibou de hohobolou.

18 Nebe kenōu tefele, n̄ine hohō degeba, ābōu de hohōbōu me.

Polhā o Timoti tobōu ba, sa Filipaikōu ileyodei

19 Hiye Ohā tagaibabe, hiye tiale mei, ā Timoti tobōu ba n̄imokōu ile. Timotiḥā ile, n̄i degeli ke duguo, bohōlōu mā hagua, āmokōu tobōu ba, ā hohō hiyedo degele.

20 O ābōu de dalagua kedīame Timoti s̄a degei ta dala mei. Elenōu si n̄imokōu solōu do degeli, n̄i dogōu gulamōu hiyedo degele ili.

21 O ilo kedīage diōu die bimaj̄i kokōu nōu fimā iligibe, Yesu Kelesuhā dabai k̄eme ta amugie degele idiyo mei.

22 N̄i tewe, Timotibe dabai degedi o bolōdo. Dihiye ē aye dogōu gudi sagaj̄i kenōu tefei, Timoti elene tā uwo bolofej̄i kahā dabai k̄ene kege degele idi.

23 Kegei degemōu, oe āmokōu degele k̄eme ā kōu tawale fogōu ba hobōu, ā ē toto tobōu ba, n̄imokōu kuhe ile.

24 Kenōu si ā Hiye Okōu damaleyodema, tafej̄i habagene ā n̄i dugu iledade tawali.

Polhā o Epafroditus tobōu ba, sa Filipaikōu ileyodei

25 Damaleyodei o Epafroditus, ēme mā mogo, n̄i ā dogōu guyadomōu tobōu mōu haguei. Ele dabai tanōu, nelēdo dege degele idi. Kenōu si, āge ēme n̄imokōu haba bohōlōu mā iyedele.

26 E n̄imokōu solōu do degemōu, n̄i dugulo sagaido degeli. Yobe, e do degeimōu, obe duguma ya tobolōu imōu, n̄i kōu dulo i kaha degemōu, e n̄imokōu solōu do degei dala.

27 Ta n̄i dulo i keme damaledo. Do hiyedo ke dugu kaha kōu tolo sagaiye, kenōu si Godiha solōu do degemōu e bologuomōu bolō degei dala kuhe. Godiha amokōu ne solōu do degei, kegeligi e tolo iba, a solōu do hiyedo duguye domōu.

28 Kegemōu, age e tobou ba, n̄imokōu iba, n̄ige n̄i mogo ke haba duguoba, hohō hiyedo degele ke tagali. Kegeibasi, ane hagi degei dala ke fogolōu.

29 Kegei degemōu, n̄i mogo Epafroditus e n̄imokōu ile foloubabe, n̄ige Hiye O Kelesuha huya ke emokōu hohobou ma. Eme o bolodo. O kegei kedia hu kene n̄i hebele foguma.

30 Yobe, eme Kelesuha dabai degeligi, do hiyedo duguomōu, kōu tolo ile sagaiye, kenōu si e gebe meiyode tobou. Yobe, eme n̄i timōu ke malaba, abou de dogou guo dabai degelamōu haguei kaha degemōu.

3

Kelesukou damaleyodei obe doudo o

1 Mogo diama, a ta mei degelamōu uwagebe kōu gue tobolōu. N̄i Hiye Oha huya ke hohobou ma. A kuguo kōu nalai kenōu haba tage nalalebe

ta dafouyo mei. Yobe, ni bologuado dalam-
 abadomou a haba tage nalolu kuhe.

² Niou tawaibou, o si so sa degei kedia ni ogou
 gaiye. O kediage Israel o ei kou guai o kedia
 midihq ke hehegiemou, kolo diafigimabeede to-
 bolou idi. Midihq keme bolq mei, tou makodi
 midihqonou.

³ Di tewe, Duo Bolofeiha degeiyenou, di Godiha
 dabai degelemou, Yesu Kelesukou hohobolou idi
 kaha, Godihage dibe yoou e biyodema makai
 dala. Kegemou, kolo diafigidi midihq keme sibige
 ta mei.

⁴ Afu ane tawaibe, Israel o ei kolo diafigidi
 midihq keme sibige hiyedoyade tawai. Kegemou,
 a ei kou guai o kedia midihq ke milou gadibe, age
 o ilo kelebe gabama folodo degedi.

⁵ Ma adiou ha a mala felemou dalali, sawisie
 dimayosi kege mei degeimou, Israel o tae ma
 kolo diafou. Damaledo, ame Israel o. Ma hutibe
 Benjaminha huti. Ame Hibu o, Hibu o kediame
 ma sosou. A Mosesha kuolou ta ke Farisi o
 kediabou de defeido dulomou sesedi.

⁶ A Mosesha kuolou ta ke defeido dulo
 sesemou iligi, Kelesukou damaleyodei o sasai
 kedia makodi. Damaledo, a kuolou ta olou feido
 dulo sesedi kahage, ame hebe kasagai moloou
 meiyade tawai.

⁷ Age midihq, mayoou afu milou di kaha hebe
 bolq keme kou moloou sagaiye, kenou si ifi
 a tawalibe, ame Kelesukou damaleyodei kaha

degemōu, midihō kaha hebe ke a moloꝑube dafa.

⁸ Haba tabe, a tawali, midihō olōu fei a afu milōu gadi keme sibige ta dala meido. A ma Hiye O Yesu Kelesu tewe degei kenōu si sibige hiyedo folodo. Kegei kaha degemōu, a midihō olōu fei afu mayoꝑu milōu gadi ke tobekōu muguo dalali dugumōu be, midihō keme sibigebōu meido, kofai sa degei dugulu.

⁹ A Mosesha kuolōu ta ke dulo sesedi kahage Godiha dihile kokou be ame doꝑdo o mei. Kelesukou damaleyodema, ebou de dogou guo dala kahanou si Godihage e dihile kokou be ame doꝑdo o dugulu. Damaledo, di Yesu Kelesukou damaleyodeibasi, Godihage dibe doꝑdo o sasaiyode tobolou.

¹⁰ A Kelesube tawalamou degeli. Kelesu e tolo ilemou haguai kaha e nele hiyedo keme a defeido tawalamou degeli. Ane hagi e dugu sagai kenou tefeledugulamou. Obe a wouba tolone tabou mei. Ane e tei sagai kenou tefeledalamou.

¹¹ Kegemou, e tolo ilemou haguai sagai kenou tefeledane tolo ileba hagualedade tawali.

Polbe ebukou falamou hiligedo foukuadi

¹² A Yesu Kelesuha midihō ke milōu mou ilibe, olōu fei yoꝑu milōu di sagai kege ta milōu yo mei. Kenou si a e midihō ke nele dege tou lamou degelibe, nebe, e a tou ke sa degelamou degeli.

¹³ Mogo diama, ame midihō bolofeidonou milōu di oyode tobou yo mei. Kenou si, a ma

tobekou ta boholou duguyo mei. Ame habage tama degele ke moloou kokou nou neledo dege fimamou ili kuhe.

¹⁴ Ame mabukou falamou hiligedo foukuadi. Yobe, a hebe bolodo, hebenikou dala, Godiha dimokou neleyodema hagnosis ke moloou, Yesu Kelesu e di dowoye tolo i kaha degemou.

¹⁵ O sasai fi hagua, Kelesukou neledo dege damaleyodei dibe a kuguo kuokou nalai kegenou fimame. Ni haba fimai tabou dalababe, Godiha doususuba, ma ta koume nimokou tamado degele.

¹⁶ Kou kegeiye, di midihou bolodo ke kou tewe kaha degemou, di kenou milou me.

¹⁷ Mogo diama, midihou a milou di sagai kenou milou ma. Damaledo, midihou, ei nimokou milou mabeedei, o ilo kelege milolou ili ke duguoba, nje kenou sesele milou mou ima.

¹⁸ Mogo diama, a nimokou kou gue tobou mou haguei, o ilo kelege Kelesuha hebe fufugouaikou tolo i ke dafa iliyodedi. Ta keme damaledo ta kaha degemou, a haba tage geseibou tobolou kuhe.

¹⁹ O kegele ili kediamme makolo. Yobe, diame dioou die tou e tagai kenou degele idi kaha, die tou be die godi sa degei. Midihou, di milou ba, di sidifi degele sagai keme dia sidifi meinou milolou idi. Damaledo, o sasai kediamme sa sibige koumahou midihou kenou tagale ili.

20 Kenōu si, hebenikōu dalale o sasai dibe di Mamou O e bohōlou mā haguale ke dia dalagua. O keme di Hiye O Yesu Kelesu.

21 Kelesuha yoŋu e nele kahanou bi olou fei kefeguo yoŋu e hayedu dogoguo dalale. E nele hiyedo folodo kaha, di tou kasagai ke bohōlou ba, e tou sagainou degele ile. E tou be bolodo, di ta tawaga tobolou sagai meido.

4

Di fi tanou degema, hohobolou ba, fimai bolonou dalame

1 Ma mogodo diama, ni Hiye Oha huya ke neledo dege dalaguama. A ni solou do degemou dugulo sagai hiyedo degeli. Ni dowoye a hebe bolu ke moloŋu kaha degemou, a nimokou hoho hiyedo degeli.

2 Sasai Yuodiabou, Sintikebou nele ta a tobolou koŋu дума. Nelebe Hiye Oha sosou degei kaha degemou, nele fi tanou degema.

3 Mogo, name* dolou fa dabai tanou degedi kaha, a namokou ne tobou lamou, nage sasai bolou diliebe fi tanou degeba dalamabeede. Dilie afu abou de ta uwo bolofei kaha dabai hiyedo degele idi. O Klemenbou, o ilo kediabou dene olou fei abou de dabai tanou degele idi. Die hube olou feido Fihā Kuguokou nalagai dala.

* 4:3 4:3 Mogo - di o kaha hube tewe mei.

4 Sawisiei olou fei Hiye Okou nou hohobou ma. A haba tage tobolou be, ni hohobou mabeedili.

5 Ni omokou himinou degema, dia ni midihou bolou ke dugumabadeba. Ni tawama, Hiye O e hagualebe hafeido degei.

6 Ni hagi dugubabe, hobou gue degedama. Godikou nou bolofeyode dihou baga tobou ma. Damaledo, bi ni tagali kagei kagei ke yodulababe, Godikou nou dihou baga tobou ma.

7 Ni hagi duguba, Godikou dihou baga tobou babe, Godiha degeiye, Yesu Kelesu e nibou de dogou guo dalale kaha degemou, ni gue degele mei. Yobe, himi degedi midihou Godiha dimokou nei keme bolodo. Himi degedi midihou kaha sibigebe di ta tawale sagai mei.

8 Mogo diama, a ta mei degelamou uwagedo tobolou kuhe. Ni midihou kasagai milou di kokou fimadama. Ni fimalebe damaledo ta kebou, doudo midihou kebou, sibigibou mei midihou kebou, o sasai solou do degedi midihou kebou, damaleyodele i o kedia milou ga idi midihou kebou, haba midihou bolodo kegele i kokou nou fimama.

9 Nige ma midihou ni dulomou sesele idi kebou, haba ni dugudi kebou denou milou gamou suluwama. Ni midihou ke milou goubabe, Godiha nibou de dogou guo dalale. Eme bologuado daladi kaha e obou do.

Polha sa Filipai tie kediamokou bolofeyodei,

diā bimāi ilo kele emokōu solōu do nei kaha degemōu

¹⁰ A Hiye O Godikōu hohobolōu, nī a solōu do dege dogōu gulu kaha degemōu. Afune nī a kōu dogōu gulamōu fimā iye, kenōu si ta dogōu gulo sagai degeli mei.

¹¹ A bi mei degemōu dalali ta koŋu tobōu yo mei. Hagi kageiye amokōu hagumōu ne ame hohonōu daladi ke kōu tewe.

¹² Bi meine, ha dalane a kege daladi. Nale nali meine tiadi. Namane tiadi. Hagi dalane, hagi meine a hohonōu dege daladi.

¹³ Midiho kagei kagei amokōu tama degeimōu be, ame Kelesuha nele kahanōu bologuado wolōu dalamōu kuhe daladi.

¹⁴ Kōu kegeiye, kenōu si a hagi dugumōu, nī amokōu midiho bolodo ke hegi kaha degemōu, age nimokōu bolofeyode tobolōu kuhe.

¹⁵ Sa Filipai o sasai diama, nī kōu tewe, a ta uwo bolofei ke yoma hehegiemamōu, a nī sa Masedonia tōu fogōu imōu be, ninōu si a mogo degemōu, amokōu sele nele i. Damaleyodei o sasai, sa ilo kele tie kediage amokōu kege ta degele ili mei.

¹⁶ A sa hiye Tesalonaikakōu ile dalali, bi mei degeimōu be, nī a dogōu guemōu haguei.

¹⁷ Age nimokōu bi ta hawagadiyo mei. Kegediyo meido. Age, nī mogo degedi midiho ke hiye degeiba, Godiha hebe bolō ke nimokōu hiyedo nele ke tagali.

18 A bi ta mei degeli mei, bolodo dala kuhe. Sele, ni kefemamou, Epafrodituskou neimou mala haguei keme a kou mou. Kegemou, ame sele kaha bi mou kenou fei dala. Ni amokou nei keme gali sidi sa degei, obe Godikou neimou be, ege ho bolodo ke dulomou hoho degedi.

19 Ma Godiha bi bololo sudo olou fei Yesu Kelesukou damaleyodele i o sasai dimokou neleyodema makai dala. Bi keme bolodo, di ta tawaga tobolou sagai mei. Kegemou, bi ni dala mei keme Godiha nimokou nemou ile.

20 Di Aye Godikou hohobolou nou dalame. Damaledo.

Polha sa Filipai tie kediamokou agali bolofeyode tobou

21 Godiha o sasai, Yesu Kelesukou damaleyodele i kediamokou ne ni agali bolofeyode tobou ma. Di mogo, abou de dalagua kediane nimokou agali bolofeyodele ili.

22 Godiha o sasai olou fei, kou le dalagua kediane nimokou agali bolofeyode tobolou i. Sa Rom kediana hiye o Sisarha dabai degele idi o sasai kediane nimokou agali bolofeyodele ili.

23 Hiye O Yesu Kelesuha e habagugueibe ni duledu ni fibou de dalale. Damaledo.

Konai
Konai: Godiha Ta Bolofei New Testament
Nupela Testamen long tokples Konai long Niugini
copyright © 2014 Wycliffe Bible Translators, Inc.

Language: Konai

Contributor: Wycliffe Bible Translators, Inc.

All rights reserved.

2025-05-08

PDF generated using Haiola and XeLaTeX on 7 May 2025 from source files
dated 8 May 2025

8c47cab8-fc6e-524e-936f-c52eba70db94